


B. N. C.  
FIRENZE

1142

21





1142.21

VL ET CATHOLICO

# IV LI IPSI OBITV EPISTOLA.

Primum Augustæ Vindellicorum, & nunc  
denuò Florentiæ impressa

PER SANCTEM BACCIOLINIVM.

INSTVDIOSORVM GRATIAM;

vt qui ægregiam tanti viri in ipsius scriptis admi-  
rantur doctrinam, eiusdem eximiam in  
Morte possint venerari pietatem.

*Admodum Illustri D. CVRTIO PLCHENAE  
Magni Ducis Etruriæ à Secretis  
Dicata.*



FLORENTIAE,  
APVD IVNCTAS. MDCVI.

*Cum licentia Superiorum.*



DEI CATHOLICI

DEI CATHOLICI

DEI CATHOLICI

DEI CATHOLICI

DEI CATHOLICI

DEI CATHOLICI

DEI CATHOLICI

DEI CATHOLICI

DEI CATHOLICI

DEI CATHOLICI

DEI CATHOLICI



FLORENTIAE

APVDIVICTAS. MDCLV.

EX LIBRIS

# DE OBITU IVSTI LIPSI EPISTOLA.



E extremo IVSTI LIPSI V. Cl. vi-  
tæ adu atq; excessu, in quo sunt omnia,  
commemorare hæc libuit. Cum in fe-  
brim an. c15 15 cvi. circa Idus Mar-  
tias incidisset, fatalem lectulum conscen-  
surus, vultu alacri cygnæam hanc vocem,

*Ad lectum & letum*, mortem animo prælagiens, emisit.  
Morbo ingrauescente, R. P. Leonardum Lessium Societ.  
IESV. Theologum eximium, cuius erudiri de Iure et iu-  
stitia exstant Commentarij, sibi persamiliarum, aduoca-  
uit, atque in procurandis ritu Christiano sacris, et animo  
expiando, eluendoq; totus fuit. Cæterarum itaque rerum  
omnium curis abiectis, sacrosanctum CHRISTI corpus,  
xiii. Cal. Aprileis; qui dies in Dominicam Palmarum  
tunc incidit, piè suscepit, & sacro oleo, more Christiano,  
die sequenti inunctus est. Porro ad extremum vsque spiri-  
tum firma atq; integrâ mente constitit, tanta animi con-  
stantiâ ac tranquillitate, vt nihil vxoris aut amicorum vn-  
dique adfluentium lacrymis ac suspirijs commoueretur.  
Itaque nec vllam querimoniz vocem, nec vllum repugnan-  
tis aut trepidantis animi signum edidit; vtque in vita, sic  
et in obeunda morte constantissimus extitit. Et certè non  
scriptis modo, sed et factis philosophum se, eumq; Chri-  
stianum, mirificè comprobavit.

Silere hoc loco nec possum nec debeo, ex quo sincerum  
atque eximium illius in *Diuam Virginem* adfectum cul-  
tumq; licet agnoscere. Cum in agone morti iam proxi-  
mus, versaretur, vxori mandauit, vt reddito iam spiritu,  
togam optimam pellibus suffultam, *B. Virgini*, ad eius  
aram Luanij in basilica B. Petri Apostolorum principis,  
cultu, miraculisq; celebrem, offerret ac poneret. Quam et  
ipsi oblatam spectauimus.

Summa itaque cum testificatione pietatis Christianæ, x. Cal. Aprileis, post noctis medium, anno ætatis nono et quinquagesimo, placidè ac leniter expirauit. Morienti, præter domesticos, adfuerunt tres à societate I. E. S. V. patres, et vnus à sodalibus instituti B. Francisci; Itemq; V. R. et Cl. *Nicolaus Ouduardus*, Canonicus et officialis Machliniensis, et V. N. *Ioannes Bap. Perezius Baronius*, eius olim auditor, ac contubernalis. Mediocri pompa, vt quâ erat modestia, iusserat, elatus est, pridie paschalis, VIII. Cal. Aprileis, hora post meridiem quartâ, humeris vniuersæ, vt ita dicam, Academiæ, certantibus nimirum inter se studiosis, vt extremum istud præceptoris meritisimo pietatis officium impenderent, memores illius, vt arbitror, vocis Q. Cæcilij Metelli, cognomento Macedonici; *Non fore vt in posterum id officium ab ipsis viro maiori præstari posset.* Præter Academicos ac ciues, et exteri non pauci funus deduxerunt; in his V. R. *Aubertus Miræus* Canonicus Antuerpiensis, V. N. *Ioannes Bap. Baronius* et *Ioannes Vvouerius*, vir ornatissimus, eius olim Louanij auditores, qui officij gratia Antuerpia aduolarant. [Conditus iacet, vt testamento mandârat, in æde sacra Franciscanorum sodalium, ante Virginis Deiparæ aram, ad quam preces quotidie fundere solitus erat. Voluit nimirum & à funere, sui in Virginem cultus sempiternum apud posteros extare monumentum. Inscriptionem verè philosophicam tumulo appendendam, paucis ipse versibus est complexus. Iusta illi persoluta sunt 111. Cal. Aprileis. Pompam funebrem, præter incolas Louanienſes, ad S. Petri Basilicam, quæ vrbis primaria est, deducentibus, R. & Cl. V. *Petro Pantino*, Decano Bruxelensi, R. V. *Nic. Oudarto*, Cl. V. *Ioanne Vvouerio*, utroque testamenti curatore, aliisque; exteris.

Bibliothecam & scripta sua atque ingenij monumenta, fororis nepoti, annos ferè tredecim nato, legauit, & apud Vvouerium, dum adolescat heres, deponi iussit. Græcos ac M. SS. còdices, Louaniensi Societ. I. E. S. V. collegio attribuit. Cauit autem testamenti tabulis, scriptorum suorum quidquam imperfectum à morte euulgari. Flores atque arbutusculas suas, quibus mirificè solebat inspicere,



Thomas Viringo Soc. IESV Sacerdoti, & N. Blylenio vi-  
giliarum vrbis Louaniensis praefecto, amico ac vicino  
suo, istarum rerum curiosis; numismata verò R. V. Dio-  
nysio Villeria Canonico Tornacensi, antiquitatis in pau-  
cis amanti, & perito, reliquit.

Hæc de obitu breuiter. De vita scriptisq; suis, ipse cen-  
turiâ VIII. Epistolâ LXXXVII. ad Ioannem Vvouerium  
copiosè disseruit.

NEMO ME LACRVM EIS DECORET, NEC

FVNERA FLETV,

FACSIT. QVVR'. VOLITO VIVO' PER

ORA VIRVM.

# MEMORIAE IOVSTI LIPSI.

**I**NGENIO QVOI NULLA MALVM SENTEN-  
TIA SVASIT.  
VT FACERET FACINVS, LEVIS AVT MALV',  
DOCTV', FIDELIS,  
SVAVIS HOMO, FACVNDV', SVO CONTEN-  
TV', BEATVS;  
NON PONEBAT ENIM RVMORES ANTE SA-  
LVTEM;  
SCEITV', SECVNDA LOQVENS IN TEMPORE,  
COMMODV', VERBVM,  
PAVCVM, MOLTA TENENS ANTEIQVA,  
SEPOLTA, VETVSTA,  
QVAI FACIUNT MORES VETERESQVE NO-  
VOSQVE TENENTEM,  
MOLTARVM VETERVM LEGVM, DIVOMQVE  
HOMINVMQVE,  
PRVDENTEM QVEI MOLTA LOQVEIVE TA-  
CEREVE POSSET.  
ERGO MAGISQVE MAGISQVE VIREI NVNC  
GLORIA CLARET,  
OMNIBVS ENDO LOCIS INGENS APPARET  
IMAGO.




ORLINE

11130

1142.21

2





MU

